

古逸叢書



覆正平本
論語集解

古逸叢書之三

古詩集卷之八

尊義黎
氏校刊

人倫
正平本

論語序

叙曰漢中壘校尉劉向言魯論語
二十篇皆孔子弟子記諸善言也
太子太傅夏侯勝前將軍蕭望之
丞相韋賢及子玄成等傳之齊論
語二十二篇其二十篇中章句頗

多於魯論瑯琊王卿及膠東庸生
昌邑中尉王吉皆以教之故有魯
論有齊論魯恭王時嘗欲以孔子
宅爲宮壞得古文論語齊論有問
王知道多於魯論二篇古論亦無
此二篇分堯曰下章子張問以爲

一篇有兩子張凡二十一篇篇次
不與齊魯論同安昌侯張禹本受
魯論兼講齊說善從之號曰張侯
論爲世所貴邕氏周氏章句出焉
古論唯博士孔安國爲之訓說而
世_一不傳至順帝_二時南郡太守馬融

亦爲之訓詁漢末太司農鄭玄就
魯論篇章考之齊古以爲之註迄
故司空陳羣太常王肅博士周生
烈皆爲義說前世傳受師說雖有
異同不爲訓解中間爲之訓解至
于今多矣所見不同乎有得失今

集諸家之善說記其姓名有不安
者頗爲改易名曰論語集解光祿
大夫關內侯臣孫邕光祿大夫臣
鄭冲散騎常侍中領軍安鄉亭侯

臣曹羲侍中臣荀顗尚書駙馬都

尉關內侯臣何晏等上

論語學而第一

何晏集解

九十六章

子曰學而時習之不亦悅乎

馬融曰子

者男子之通稱謂孔子也王肅曰時者學者以時誦習之誦習以時

學無廢業所以為悅懌也有朋自遠方來不亦

樂乎邕氏曰同門曰朋也人不知而不愠不

亦君子乎愠怒也凡人有所有子不知君子不愠也

論語學而第一

何晏集解

九十六章

子曰學而時習之不亦悅乎

馬融曰子

者男子之通稱謂孔子也王肅曰時者學者以時誦習之以時

學無廢業所以為悅懌也有朋自遠方來不亦

樂乎邕氏曰同門曰朋也人不知而不愠不

亦君子乎愠怒也凡人有所有子不知君子不愠也有子

曰

孔安國曰
弟子有若

其爲人也孝悌而好

犯上者鮮矣

鮮少也上謂亢在巳
上者言孝悌之人必

有恭順好欲
其上者少也

犯不好犯上而好作

亂者未之有也君子務本本立而

道生

本基也基立而
後可大成也

孝悌也者其

仁之本與

先能事父兄然
後可乃仁成也

子曰巧

言令色鮮矣^四仁

堯氏曰巧言好其言語令色善其顏

色皆欲令人說之少能有仁也

曾子曰

馬融曰弟子曾參也

吾日三省吾身為人謀而不忠乎

與朋友交言而不信乎傳不習乎

言允所傳之事得無素不講習而傳乎

子曰導千乘

之國

馬融曰導謂為之政教也司馬法六尺為步步百為畝畝

百爲夫夫三爲屋屋三爲井井十
爲通通十爲城城出革車一乘然
則千乘之賦其地千城也居地方
三百一十六里有奇唯公侯之封
乃能容之雖大國之賦亦不是適
焉苞氏曰導治千乘之國者百里
之國也古者井田方里爲井井十
爲乘百里之國適千乘也馬融依

周礼苞氏依王制孟
子義疑故兩存焉之
敬事而信苞氏

曰爲國者舉事必敬
慎一與民必誠信五也
節用而愛人

堯氏曰節用不奢侈國使民以時

以民為本故愛養也
苞氏曰作使民必以
其時不妨奪農務也
子曰弟子入

則孝出則悌謹而信汎愛眾而親

仁行有餘力則以學文
馬融曰文者古之遺

文也
子夏曰賢賢易色
孔安國曰子夏弟子卜商

也言以好色之心好賢則善也
事父母能竭其力

事君能致其身

孔安國曰盡忠節不變其身也

與

朋友交言而有信雖曰未學吾必

謂之學矣子曰君子不重則不威

學則不固

孔安國曰固弊也一曰言人不敢重既無威學

又不能堅固識其義理也主忠信無友不如已

者過則勿憚改

鄭玄曰主親也憚難也

曾子

曰慎終追遠民德歸厚矣

孔安國曰慎終

者喪盡其哀也追遠者祭盡其敬也人君行此二者民化其德而皆

歸於子禽問於子貢曰夫子至於

是邦也必聞其政求之與抑與之

與鄭玄曰子禽弟子陳亢也子貢弟子姓端木名賜字子貢也亢

恠孔子所至之邦必與聞其邦政求而得邪抑人君自願與爲治也

子貢曰夫子溫良恭儉讓以得之

夫子之求也其諸異乎人求之與

鄭玄曰言夫子行此五德而得之
與人求異明人君自願與爲治也

子曰父在觀其志父沒觀其行

孔安

國曰父在子不得自專故觀其志而已父沒乃觀其行也

三年

無改於父之道可謂孝矣

孔安國曰孝子